

BIBLIOTEKA
Zakl. Nar. im. Ossolińskich


XVI 20504

*Missae
defunctorum*

*Salzburg
1679*

40
10





M I S S Æ
DEFUNCTORUM,
JUXTA USUM
ECCLESIAE ROMANÆ,
CUM ORDINE ET CANONE
EXTENSÆ.




SALISBURGI,

Ex Typographéo JOANNIS BAPTISTÆ MAYR,

Typographi Aulici & Academici.

M. DC. LXXIX.

M I S S I S S I P P I
D E T R O I T M U S E U M
E C C L E S I A S T I C A
C O L L E C T I O N E
E T C .



2170
VI-40502-11X XVII

O R D O

M I S S A E
P R O D E F U N C T I S.

Sacerdos paratus cum ingreditur ad Altare, facta illi debita reverentia, signat se signo Crucis a fronte ad pectus, & clara voce dicit,

IN nomine Patris, & Filij, & Spiritus Sancti Amen.

Deinde junctis manibus ante pectus, incipit Antiphonam, Introibo ad altare Dei.

Ministri respondent, Ad Deum qui latificat juventutem meam.

Signat se dicens *ψ*. Adjutorium nostrum in nomine Domini. *℞*. Qui fecit caelum & terram.

Deinde junctis manibus, profunde inclinatus facit Confessionem.

Confiteor Deo omnipotenti, beatæ Mariæ semper virgini, beato Michaeli Archangelo, beato Joanni Baptistæ, sanctis Apostolis Petro & Paulo, omnibus Sanctis, & vobis fratres: quia peccavi nimis cogitatione, verbo & opere: **Per-**cutit sibi pectus ter, dicens: mea culpa, mea culpa, mea maxima culpa. Ideo precor beatam Mariam semper Virginem, beatum Michaelem Archangelum, beatum Joannem Baptistam, Sanctos Apostolos Petrum & Paulum, omnes Sanctos, & vos fratres, orâ-

re pro me ad Dominum Deum nostrum.

Ministri respondent:

Misereatur tui omnipotens Deus, & dimissis peccatis tuis, perducat te ad vitam æternam.

Sacerdos dicit, Amen. Et erigit se.

Deinde ministri repetunt Confessionem: & ubi a Sacerdote dicebatur, vobis fratres, & vos fratres, a ministris dicitur, tibi pater, & te pater.

Postea Sacerdos junctis manibus facit absolutionem, dicens:

Misereatur vestri omnipotens Deus, & dimissis peccatis vestris, perducat vos ad vitam æternam. *℞*. Amen.

Signat se signo Crucis, dicens:

Indulgentiam, absolutionem, & remissionem peccatorum nostrorum, tribuat nobis omnipotens & misericors Dominus. *℞*. Amen.

Et inclinatus prosequitur.

ψ. DEUS tu conversus vivificabis nos. **Resp.** Et plebs tua latabitur in te.

Ps. Ostende nobis Domine misericordiam tuam. *R.* Et salutare tuum da nobis.

Ps. Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum Spiritu tuo.

Et extendens ac jungens manus, clara voce dicit, Oremus. & ascendens ad Altare, dicit secreto:

Aufer à nobis, quæsumus Domine, iniquitates nostras: ut ad Sancta sanctorum puris mereamur mentibus introire. Per Christum Dominum nostrum. Amen.

Deinde manibus junctis super Altare, inclinatus dicit:

ORamus te Domine per merita Sanctorum tuorum, *Osculatur Altare in medio,* quorum reliquæ hic sunt, & omnium Sanctorum: ut indulgere digneris omnia peccata mea, Amen.

Deinde Celebrans signans se signo Crucis incipit Introitum: quo finito, junctis manibus alternatim cum ministris dicit:

KYrie eleison. Kyrie eleison. Kyrie eleison. **C**hriste eleison. **C**hriste eleison. **C**hriste eleison. Kyrie eleison. Kyrie eleison. Kyrie eleison.

Deinde osculatur Altare in medio, & versus ad populum dicit Ps. Dominus vobiscum. R. Et cum spiritu tuo. Postea dicit: Oremus. & Orationes, unam aut plures, ut ordo Missæ postulat: sequitur Epistola, Graduale, Tractus, cum versu aut Sequentia, ut tempus postulat.

Deinde delato Missali ad cornu Evangelij, inclinatus in medio, junctis manibus dicit:

Munda cor meum, ac labia mea, Omnipotens Deus, qui labia Isaiaæ Prophetae calculo mundasti ignito: ita me tua grata miseratione dignare mundare, ut sanctum Evangelium tuum dignè valeam nuntiare. Per Christum Dominum nostrum, Amen.

Deinde conversus ad librum, junctis manibus dicit Ps. Dominus vobiscum. R. Et cum Spiritu tuo. Et pronuntians, Sequentia S. Evangelij secundum Joannem; pollice dextræ manus signat librum in principio Evangelij quod lecturus est; deinde se in fronte, ore, & pectore; & respondetur, Gloria tibi Domine: & legit Evangelium: quo finito, respondet minister, Laus tibi Christe: & immediatè osculatur Altare, & versus ad populum dicit, Ps. Dominus vobiscum. R. Et cum Spiritu tuo. Postea dicit Oré-

& Offertorium. Quo dicto, accipit patenam cum Hostia, quam offerens, dicit:

Suscipe sancte Pater, omnipotens Sæterne Deus, hanc immaculatam Hostiam, quam ego indignus famulus tuus offero tibi Deo meo vivo & vero, pro innumerabilibus peccatis & offensionibus & negligentis meis, & pro omnibus circumstantibus, sed & pro omnibus fidelibus Christianis vivis atq; defunctis: ut mihi & illis proficiat ad salutem in vitam æternam. Amen.

Deinde

Deinde faciens crucem cum eadem patena, deponit Hostiam super corporale. Et mittens vinum in Calicem, & aquam non benedicens, dicit.

DEus, qui humanæ substantiæ dignitatem mirabiliter condidisti, & mirabilius reformasti: da nobis per hujus aquæ & vini mysterium, ejus divinitatis esse consortes, qui humanitatis nostræ fieri dignatus est particeps, Jesus Christus Filius tuus Dominus noster: Qui tecum vivit & regnat in unitate Spiritus sancti Deus, per omnia sæcula sæculorum. Amen.

Postea accipit Calicem, & offert, dicens:

Offerimus tibi Domine calicem salutaris, tuam deprecantes clementiam: ut in conspectu divinæ majestatis tuæ, pro nostra & totius mundi salute cum odore suavitatis ascendat. Amen.

Deinde facit signum Crucis cum Calice, & illum ponit super corporale, & palla cooperit: tum junctis manibus super Altare, aliquantulum inclinatus, dicit.

In spiritu humilitatis, & in animo contrito suscipiamur à te Domine: & sic fiat sacrificium nostrum in conspectu tuo hodie, ut placeat tibi, Domine Deus.

Erectus expandit manus, easque in altum porrectas jungens, elevatis ad cælum oculis, & statim demissis, dicit

Veni sanctificator omnipotens æternæ Deus: **Benedicit obla-**

ta, prosequendo, & benè ✠ dicit hoc sacrificium tuo sancto nomini præparatum.

Deinde Sacerdos lavat manus, dicens:

Lavabo inter innocentes manus meas: & circumdabo Altare tuum Domine: *Psal.*
25.

Ut audiam vocem laudis: & enarrem universa mirabilia tua.

Domine dilexi decorem domus tuæ, & locum habitationis gloriæ tuæ.

Ne perdas cum impiis Deus animam meam: & cum viris sanguinum vitam meam.

In quorum manibus iniquitates sunt: dextera eorum repleta est muneribus.

Ego autem in innocentia mea ingressus sum: redime me, & miserere mei.

Pes meus stetit in directo: in ecclesijs benedicam te Domine.

Non dicitur Gloria Patri.

Deinde aliquantulum inclinatus in medio Altaris, junctis manibus super eo, dicit:

Suscipe sancta Trinitas hanc oblationem, quam tibi offerimus ob memoriam Passionis, Resurrectionis, & Ascensionis Jesu Christi Domini nostri: & in honore beatæ Mariæ semper Virginis, & beati Joannis Baptistæ, & Sanctorum Apostolorum Petri & Pauli, & istorum, & omnium Sanctorum: ut illis proficiat ad honorem,

nobis autem ad salutem: & illi pro nobis intercédere dignentur in cælis, quorum memoriam agimus in terris. Per eúndem Christum Dominum nostrum, Amen.

Posteà osculatur Altare, & versus ad populum, extendens & jungens manus, voce paululùm elevata dicit:

ORâte fratres: ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent, alioquin ipsemet Sacerdos.

Suscipiat Dominus sacrificium, de manibus tuis (vel meis) ad laudem & gloriam nominis sui, ad utilitatem quoque nostram, totiúsque Ecclesiæ suæ sanctæ. Sacerdos submissa voce dicit, Amen.

Deinde manibus extensis absolute sine Oremus, subjungit Orationes secretas. Quibus finitis, cum pervenerit ad conclusionem, clara voce dicit, Per omnia sæcula sæculórum. Cum Præfatione sequenti. Præfatio incipitur ambabus manibus positis hinc inde super Altare: quas aliquantulùm elevat, cum dicit, Sursum corda. Jungit eas ante pectus, & caput inclinat, cum dicit, Gratias agâmus Domino Deo nostro. Deinde disjungit manus, & disjunctas tenet usq; ad finem Præfationis: qua finita, iterùm jungit eas, & inclinatus dicit, Sanctus. Et cum dicit, Benedictus qui venit; signum Crucis sibi producit à fronte ad pectus.

Per omnia sæcula sæ-
cu lô rum. **R.** Amen.

V. Dómi nus vó bís cum.

R. Et cum Spíri tu tu o.

V. Sursum cor da.

R. Habémus ad Dóminum.

V. Gráti as a gâ mus
Dómi no Deo no stro.

R. Dignum & ju stum est.

V. Verè dignum & ju stum


est,

Ordo Missæ pro Defunctis.

5




est, æquum & salutare,
nos tibi semper, & ubi-
que gratias agere: Dó-
mine sancte, Pater omnipotens,
æterne Deus: per Christum
Dóminum nostrum. Per
quem majestatem tuam
laudant Angeli, adó-
rant Dominationes,
tremunt Potestates. Cæli,



cælorumque virtutes,
ac beata Séraphim, só-
cia exultatione con-
célebrant. Cum quibus
& nostras voces, ut ad-
mitti jubeas deprecámur,
súplici confessione
dicentes.

Sanctus, Sanctus, Sanctus, Dó-
minus Deus Sábaoth.
Pleni sunt cæli & terra glória tua,
Hosanna in excelsis.
Benedictus qui venit in nomine
Domini.
Hosanna in excelsis.

CANON



IESVS
NAZARE
NVS
REX
IVDEOR
VM

Andreas Spang
ler scul.

C A N O N
M I S S A E
 P R O D E F U N C T I S .

Sacerdos extendens & jungens manus, elevans ad coelum oculos, & statim demittens, profundè inclinatus ante Altare, manibus super eo positis, dicit:

E igitur, clemētissime Pater, per Jesum Christum Filium tuum Dñm nostrum, supplices rogāmus ac pétimus, **Osculatur Altare**, uti accéptahábeas, & benedicas, **Jungat manus, deinde signet** ter super oblata, hæc **✠** dona, hæc **✠** munera, hæc **✠** sancta sacrificia illibáta, **Extensis manibus profequitur**; in primis quæ tibi offerimus pro Ecclesia tua sancta catholica: quã pacificãre, custodire, adunãre, & régere digneris toto orbe terrarum: unã cū famulo tuo Papa nostro **N.** & Antistite nostro

N. & omnibus orthodoxis, atq; catholicæ & Apostolicæ fidei cultoribus.
Commemoratio pro Vivis.

Memento Dóminæ famulorum famularumque tuarum **N. & N.** Jungit manus, orat aliquantulum pro quibus orare intendit: deinde manibus extensis profequitur: Et omnium circumstantium, quorum tibi fides cognita est, & nota devotio, pro quibus tibi offerimus, vel qui tibi offerunt hoc sacrificiũ laudis, pro se, suisq; omnib⁹: pro redemptione animarum suarũ, pro spe salú-

tis & incolumitatis suæ :
tibi que reddunt vota sua
æterno Deo, vivo & vero.

Infra actionem.

Comunicantes, & me-
moriâ venerantes,
in primis gloriosæ sem-
per Virginis Mariæ, geni-
tricis Dei & Dñi nostri Je-
su Christi: sed & beatôrum
Apostolorum ac Marty-
rum tuorum, Petri & Pauli,
Andræ, Jacobi, Joannis,
Thomæ, Jacobi, Philippi,
Bartholomæi, Matthæi,
Simonis & Thaddei: Lini,
Cleti, Clementis, Xysti,
Cornelij, Cypriani, Lau-
rentij, Chrysogoni, Joan-
nis & Pauli, Cosmæ & Da-
miani: & omniû Sanctô-
rum tuorum: quorum
meritis precibusq; con-
cedas, ut in omnibus pro-
tectionis tuæ muniâmur
auxilio. **Jungit manus.**
Per eundem Christum
Dñm nostrum, Amen.

**Tenens manus expansas
super oblata dicit:**

Hanc igitur oblatiô-
nem servitutis nostræ,
sed & cunctæ familię tuę,
quæsumus Dômine, ut
placatus accipias: diésq;
nostros in tua pace dis-
ponas, atque ab æterna
damnatione nos eripi, &
in electorum tuorum jú-
beas grege numerari.

Jungit manus. Per Chri-
stum Dominum no-
strum, Amen.

Quam oblationem tu
DEUS in omnibus,
quæsumus, **Signat ter su-
per oblata,** bene ✠ dictâ,
adscrí ✠ ptam, ra ✠ tam,
rationabilem, acceptabi-
lemque facere digneris:

**Signat semel super Ho-
stiam, & semel super Ca-
licem:** ut nobis Cor- ✠
pus, & San ✠ guis fiat di-
lectissimi Filij tui Dômi-
ni J E S U Christi.

Qui pridie quàm pa-
terêtur, *Accipit Hostiam,*
accêpit panem in sanctas
ac venerabiles manus
suas: *Elevat oculos ad cœlum,*
& elevâtis oculis in cœlũ
ad te **D E U M** Patrem su-
um omnipotentem, tibi
grátias agens, *Signat super*
Hostiã: bene ✕ dixit, fregit,
deditque discipulis suis,
dicens: Accípite, & man-
ducâte ex hoc omnes.

Tenens ambabus manibus Ho-
stiam inter indices & pollices, pro-
fert verba consecrationis secretè,
distinctè, & attentè

Hoc est enim
Corpus meum.

Prolatis verbis consecrationis, stã-
tim Hostiam consecratã genuflex⁹
adorat: surgit, ostendit populo, re-
ponit super Corporale, iterũ ado-
rat: & non disjungit pollices & in-
indices, nisi quando Hostia tractanda
est, usq; ad ablutionem digitorum.

Tunc detecto Calice dicit:

Simili modo postquam
coenatum est, *Ambabus*
manibus accipit Calicem, acci-
piens & hunc præclãrum

Calicem in sanctas ac ve-
nerábiles manus suas:
item tibi grátias agens,
Sinistra tenens Calicem, dextera,
signat super eum, bene ✕ di-
xit, deditque discipulis
suís, dicens: Accípite &
bibite ex eo omnes.

Profert verba consecrationis se-
cretè super Calicem, tenens illum
parum elevatum.

Hic est enim Ca-
lix Sanguinis mei,
novi & æterni Te-
stamenti: mysté-
rium fidei: qui pro
vobis & pro mul-
tis effundêtur in
remissionem pec-
catorum.

Prolatis verbis consecrationis,
deponit Calicem super Corporale,
& dicens secretè: Hæc quo-
tiescũque feceritis, in
mei memóriam faciêtis.
Genuflexus adorat: surgit, osten-
dit populo, deponit, cooperit, &
iterũ adorat.

Deinde disjunctis manibus dicit:

UNde & mémores,
Domine, nos servi
tui, sed & plebs tua san-
cta, ejúsdem Christi Filij
tui Domini nostri tam
beátæ Passiõnis, nec non
& ab inferis Resurrectiõ-
nis, sed & in coelos glo-
riofæ Ascensionis: offe-
rimus præcláræ majestáti
tuæ de tuis donis ac da-
tis, *Jungit manus, & sig-
nat ter super Hostiam &
Calicem simul, Hostiã* ✠
puram, hostiam ✠ sanctã,
hóstiam ✠ immaculátam,
*Signat semel super Ho-
stiam, & semel super
Calicem: Panem* ✠ san-
ctum vitæ æternæ, &
Calicem ✠ salútis perpé-
tuæ.

*Extensis manibus pro-
sequitur:*

Supra quæ propitio ac
seréno vultu respíce-
re dignêris: & accépta
habére, sicuti accépta

habére dignátus es mú-
nera púeri tui justi Abel,
& sacrificiũ Patriarchæ
nostri Abrahæ: & quod
tibi obtulit sumus Sacer-
dos tuus Melchisedech,
sanctum sacrificium, im-
maculátam hóstiam.

*Profundè inclinatus
junctis manibus, & super
Altare positus dicit:*

Supplices te rogâmus,
omnipotens Deus: ju-
be hæc perferri per ma-
nus sancti Angeli tui in
sublime altâre tuum, in
conspectu divinæ maje-
stâtis tuæ: ut quotquot,
Osculatur Altare, ex hac
altâris participatiõne, sa-
cro sanctum Filij tui, *Jun-
git man^o, & signat semel
super hostiam, & semel
super Calicē, Cor* ✠ pus,
& *San* ✠ guinem sumpsé-
rimus, *Seipsum signat,*
omni benedictiõne cœ-
lesti & grátia repleâmur.

Per eundem Christum
Dominum nostrum, A-
men.

**Commemoratio pro
Defunctis.**

MEmento etiam, Do-
mine, famulorum
famularumq; tuarum **N.**
& **N.** qui nos præcesserunt
cum signo fidei, &
dormiunt in somno pa-
cis. **Jungit manus, orat.**
aliquantulum pro ijs de-
functis, pro quibus orare
intendit: deinde exten-
sis manibus prosequitur:
Ipsis Domine, & omni-
bus in CHRISTO quie-
scentibus, locum refri-
gerij, lucis & pacis, ut
indulgeas, deprecamur.
Jungit manus, & caput
inclinat. Per
CHRISTUM Dominum
nostrum, Amen.

Manu dextera percu-
tit sibi pectus, elata pa-
rum voce dicens.

Nobis quoque pec-
catoribus famulis
tuis, de multitudi-
ne miseratiõnum tuarum spe-
rantibus, partem aliquam
& societatem donare di-
gnèris, cum tuis sanctis
Apostolis & Martyribus:
cum Joanne, Stephano,
Mathia, Barnaba, Igná-
tio, Alexandro, Marcellí-
no, Petro, Felicitate, Per-
pétua, Agatha, Lucia,
Agnète, Cæcilia, Anastá-
sia, & omnibus Sanctis
tuis: Intra quorum nos
consortium, non æstimá-
tor mériti, sed vénia, quæsumus,
largitor ad-
mitte. **Jungit manus** Per
CHRISTUM Dominum
nostrum.

Per quem hæc omnia,
Domine, semper bo-
na creas, **Signat ter super**
Hostiam & Calicem si-
mul, dicens, sancti ✕ ficas,
vivi ✕ ficas, bene ✕ dicitis,

& præstas nobis. **Disco-**
operit Calicem, genufle-
ctit, accipit Sacramen-
tum dextera, tenens fini-
stra Calicem: signat cum
Hostia ter à labio ad labi-
um Calicis, dicens: Per
ip̄ sum, & cum ip̄ so,
& in ip̄ so bis signat in-
ter Calicem & pectus, est
tibi DEO Patri ☩ omni-
potenti, in unitate Spiri-
tus Sancti, Elevans pa-
rum Calicem cum Ho-
stia dicit: omnis honor
& glôria. Reponit Ho-
stiam, cooperit Calicem,
genuflectit, surgit & di-
cit:



P Er omnia secula seculo-



rum. & Amen.

Jungit manus.



O remus. **P** ræceptis salu-
 tá-



ri bus mōniti, & di ví na



in sti tu ti ô ne formá ti au-



démus dí ce re.

Extendit manus.



P Ater noster, qui es in



coelis: Sanctificetur nomen



tuum: Advéniat regnum

tuum:

tu um: Fiat vo luntas tu a,
 sicut in coelo, & in terra.
 Panem nostrum quotidiânum
 da nobis hodie: Et dimitte
 nobis dé bi ta no stra,
 sicut & nos di mit ti mus
 de bí tóri bus nostris. Et ne
 nos índucas in tentati ô nem.

R. Sed libera nos à ma lo:

Sacerdos submissa voce dicit,
 Amen.

Deinde accipit Patenam inter in-
 dicem & medium digitos, & dicit:

Libera nos, quæsumus Dómine,
 ab omnibus malis, præteritis,
 præsentibus & futuris: & interce-
 dente beáta & gloriósa semper vir-
 gine Dei genitrice Mariâ, cum beá-
 tis Apostolis tuis Petro & Pauló,
 atque Andréa, & omnibus Sanctis,
*Signat se cum Patena à fronte ad
 pectus, & eam osculatur:* da propi-
 tius pacem in diébus nostris: ut ope
 misericordiæ tuæ adjúti, & à pec-
 cato simus semper liberi, & ab omni
 perturbatióne secúri.

*Submittit Patenam Hostiæ, di-
 scooperit Calicem, genuflectit, sur-
 git, accipit Hostiam, frangit eam,
 super Calicem per medium, dicens:*
 Per eundem Dominum nostrum
 Jesum Christum Filium tuum. *Par-
 tem, quæ in dextera est, ponit super
 Patenam. Deinde ex parte quæ in
 sinistra remansit, frangit particu-
 lam, dicens: Qui tecum vivit &
 regnat in unitate Spiritus Sancti
 Deus. Aliam mediam partem cum
 ipsa sinistra ponit super Patenam,
 & dextera tenens particulam super
 Calice, sinistra Calicem, dicit:*

Per omnia sæ cu la sæ cu-
 lô rum. *BA* men.

Cum



Cum ipsa particula signat ter super Calicem, dicens:



Pax ✠ Domini sit ✠ sem-



per vobis ✠ cum: R. Et cum



Spíri tu tu o.

Particulam ipsam immittit in Calicem, dicens secretè:

HÆc commixtio & consecratio Corporis & Sanguinis Domini nostri Jesu Christi, fiat accipientibus nobis in vitam æternam, Amen.

Cooperit Calicem, genuflectit, surgit, & inclinatus Sacramento, junctis manibus dicit:

Agnus DEI, qui tollis peccata mundi, dona eis réquiem.

Agnus DEI, qui tollis peccata mundi, dona eis réquiem.

Agnus DEI, qui tollis peccata mundi, dona eis réquiem sempiternam.

Deinde junctis manibus super Altare, inclinatus dicit sequentes Orationes.

Domine Jesu Christe, Fili Dei vivi, qui ex voluntate Patris, cooperante Spiritu Sancto, per mortem tuam mundū vivificasti: libera me per hoc sacrosanctum

Corpus, & Sanguinem tuum, ab omnibus iniquitatibus meis, & universis malis: & fac me tuis semper inhærere mandatis, & à te nunquam separari permittas: Qui cum eodem Patre & Spiritu Sancto vivis & regnas Deus in sæcula sæculorum, Amen.

Preceptio Corporis tui, Dñe Jesu Christe, quod ego indignus sumere præsumo, non mihi proveniat in iudicium & condemnationem: sed pro tua pietate proficit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia sæcula sæculorum, Amē.

Genuflectit, surgit, & dicit:

Panem coelestem accipiam, & nomen Domini invocabo.

Deinde parum inclinatus, accipit ambas partes Hostiæ inter pollicem & indicem sinistrae manus, & Patenam inter eundem indicem & medium, & dextera percutiens pectus, elevata aliquantulum voce dicit ter devotè & humiliter:

Domine, non sum dignus, ut intres sub tectum meum: sed tantum dic verbo, & sanabitur anima mea.

Postea dextera se signans cum Hostia super Patena, dicit:

Corpus Domini nostri JESU Christi custodiat animam meam in vitam æternam, Amen.

Sumit reverenter ambas partes Hostiæ, jungit manus, & quiescit aliquantulum in meditatione san-

ctissimi

Etissimi Sacramenti. Deinde disco-
operit Calicem, genuflectit, colli-
git fragmenta, si quæ sint, extergit
Patenam super Calicem, interim,
dicens:

Quid retribuam Domino pro
omnibus, quæ retribuit mihi?
Calicem salutâris accipiam, & no-
men Domini invocâbo. Laudans
invocâbo Dominum, & ab inimí-
cis meis salvus ero.

Accipit Calicem manu dextera,
& eo se signâns, dicit:

Sanguis Dómini nostri JESU
Christi custódiat animam me-
am in vitam æternam, Amen.

Sumit totum Sanguinem cum
particula. Quo sumpto, si qui sunt
communicandi, eos communicet,
antequam se purificet. Postea di-
cit:

Quod ore sumpsimus Domi-
ne, pura mente capiâmus: &
de munere temporáli fiat nobis
remédium sempiternum.

Interim porrigit Calicem mini-
stro, qui infundit in eo parum vi-
ni, quo se purificat: deinde pro-
sequitur:

Corpus tuum Domine, quod
sumpsi, & sanguis, quem po-
tavi, adhæreat visceribus meis: &
præsta, ut in me non remâneat sce-
lerum mácula, quem pura & san-
cta refecerunt sacramenta. Qui
vivis & regnas in sæcula sæculô-
rum, Amen.

Abluit digitos, extergit, & su-
mit ablutionem: extergit os, &
Calicem, quem operit, & plicato

Corporali, collocat in Altari ut
prius: deinde profèquitur Missam.

Dicto, post ultimam Oratio-
nem, Dóminus vobiscum. *R.* Et
cum spiritu tuo.

Dicit *Y.* Requiescant in pace.
R. Amen.

In Missis solemnibus hoc
tono cantatur.



Requiescant in pace.

Deinde Sacerdos inclinat se ante
medium Altaris, & manibus jun-
ctis super illud, dicit:

Pláceat tibi sancta Trinitas, ob-
séquium servitútis meæ, & præ-
sta: ut sacrificium, quod oculis tuæ
majestâtis indignus obtuli, tibi sit
acceptâbile, mihi que, & omnibus,
pro quibus illud obtuli, sit, te mi-
serante, propitiabile. Per Chri-
stum Dominum nostrum, Amen.

Deinde osculato Altari legit
Evangelium S. Joannis.

Inítium Sancti Evangelij secun-
dum Joánnem.

R. Glória tibi Dómine.

IN principio erat Verbum, &
Verbum erat apud DEUM, &
DEUS erat Verbum. Hoc erat in
principio apud DEUM. Omnia per
ipsum facta sunt: & sine ipso
factum est nihil, quod factum
est, in ipso vita erat, & vita erat
lux hóminum: & lux in tenebris
lucet, & tenebræ eam non com-

prehenderunt. Fuit homo missus à DEO, cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri,

his, qui credunt in nomine eius: Qui non ex sanguinibus, neque ex voluntate carnis, neque ex voluntate viri, sed ex DEO nati sunt.

*** ET VERBUM CARO FACTUM EST, & habitavit in nobis: & vidimus gloriam ejus, gloriam, quasi unigeniti à Patre, plenum gratiæ & veritatis.**

R. Deo gratias.

Finito Evangelio sancti Joannis, discedens ab Altari, pro gratiarum actione dicit Antiphonam. Triumpuerorum. cum reliquis, ut habetur infra in fine hujus libri.

* Hic
genus
fecti-
tur.



MISSÆ PROPRIÆ,
PRO
DEFUNCTIS,
IN COMMÉMORATIONE
omnium fidelium Defunctorum.

Introitus.

Requiem æternam dona eis Dómine: & lux perpétua luceat eis.

Psal.
 54.
Psalms. Te decet hymnus Deus in Sion, & tibi reddetur votum in Jerúsalem: exaudi orationem meam, ad te omnis caro véniet. **Deinde absolutè repetitur,** Requiem æternam dona eis Domine, & lux perpetua luceat eis.

Oratio:

Fidélium Deus omnium Conditor & Redemptor, animâbus famulôrum famularúmque tuârum, remissionē cunctôrum tribue peccatorum: ut indulgentiam, quam semper optaverunt, pijs supplicationibus consequantur. Qui vivis & regnas cum Deo Patre, in unitate Spíritus Sancti D E U S, per omnia sæcula sæculorum. **R.** Amen.

Lectio Epistolæ beati Pauli Apostoli ad Corinthios.

1. Cor.
 15. g.
Fratres, Ecce mysterium vobis dico: Omnes quidem resurgemus, sed non omnes immutabimur.

In momento, in ictu óculi, in novissima tuba: canet enim tuba, & mortui resúrgent incorrupti: & nos immutabimur. Oportet enim corruptibile hoc induere incorruptionem; & mortále hoc induere immortalitatem. Cùm autem mortále hoc induerit immortalitatem, tunc fiet sermo, qui scriptus est: Absorbta est mors in victória. Ubi est mors victória tua? ubi est mors stimulus tuus? Stimulus autem mortis peccátum est: virtus verò peccáti lex. Deo autem gratias, qui dedit nobis victóriam per Dóminum nostrum JESUM Christum.

Graduale. Requiem æternam dona eis Dómine: & lux perpétua luceat eis. **Ps.** In memória æterna erit jústus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vinculo delictorum. **Ps.** Et grátia tua illis succurrénte, meréantur evádere júdiciú ultiónis. **Ps.** Et lucis æternæ beatitúdine pérfrui.

Psal.
 111.

Sequentia.

Dies iræ, dies illa,
Solvat sæclum in favilla:
Teste David cum Sybilla.
Quantus tremor est futurus,
Quando Judex est venturus,
Cuncta strictè discussurus!
Tuba mirum spargens sonum
Per sepulchra regionum,
Coget omnes ante Thronum.
Mors stupébit, & natûra,
Cùm relurget Creatûra,
Judicanti responsûra.
Liber scriptus proferétur,
In quo totum continétur,
Unde mundus judicétur.
Judex ergo cùm sedébit,
Quidquid latet, apparébit:
Nil inúltum remanébit.
Quid sum miser tunc dictûrus?
Quem patrônium rogatûrus?
Cùm vix justus sit secûrus.
Rex tremendæ majestâtis,
Qui salvandos salvas gratis,
Salva me fons pietâtis.
Recordâre JESU pie,
Quod sum causa tuæ viæ,
Ne me perdas illa die.
Quærens me, sedisti lassus:
Redemisti, crucem passus:
Tantus labor non sit cassus.
Juste judex ultionis,
Donum fac remissionis
Ante diem rationis.
Ingemisco tanquam reus:
Culpa rubet vultus meus:
Supplicanti parce Deus.
Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ,
Sed tu bonus fac benigné,
Ne perénni cremer igne.

Inter oves locum præsta,
Et ab hædis me sequéstra,
Statuens in parte dextra.

Confutâtis maledictis,
Flammis acerbis addictis,
Voca me cum benedictis.

Oro supplex & acclinis,
Cor contritum quasi cinis,
Gere curam mei finis.

Lachrymôsa dies illa,
Qua resurget ex favilla
Judicandus homo reus.

Huic ergo parce Deus.
Pie Jesu Domine,
Dona eis requiem. Amen.

Sequentia Sancti Evangelij
secundum Joannem.

In illo tempore: Dixit Jesus tur-
bis Judæorum: Amen, amen di-
co vobis, quia venit hora, & nunc
est, quando mortui audient vocem
Filij Dei: & qui audierint, vivent.
Sicut enim Pater habet vitam in se-
metipso, sic dedit & Filio habere
vitam in semetipso: & potestatem
dedit ei judicium facere, quia Filius
hominis est. Nolite mirari hoc, quia
venit hora, in qua omnes, qui in mo-
numentis sunt, audient vocem Filij
Dei: & procedent qui bona fecerunt,
in resurrectionem vitæ: qui
verò mala egerunt, in resurrectio-
nem judicij.

Offertorium. Domine Jesu Chri-
ste, Rex gloriæ, libera animas om-
nium fidelium defunctorum de pœ-
nis inferni, & de profundo lacu: li-

bera

bera eas de ore leônis, ne absorbent eas tartarus, ne cadant in obscûrum: sed signifer sanctus Michael repræsentet eas in lucem sanctam: * Quam olim Abrahamæ promisisti & semini ejus. *Ps.* Hóstias & preces tibi, Domine, laudis offerimus: tu suscipe pro animâbus illis, quarum hódie memoriam facimus: fac eas Domine de morte transire ad vitam. Quam olim Abrahamæ promisisti, & semini ejus.

Secreta.

Hóstias, quæsumus Domine, quas tibi pro animâbus famulorum famularumque tuarum offerimus, propitiatus intende: ut quibus fidei Christianæ méritum contulisti, dones & præmium. Per Dominum nostrum Jesum Christum Filium tuum.

Communio. Lux æterna luceat eis Domine, * Cum Sanctis tuis in æternum: quia pius es. *Ps.* Réquiem æternam dona eis Domine: & lux perpétua luceat eis. Cum Sanctis tuis in æternum: quia pius es.

Postcommunio.

Animâbus, quæsumus Domine, famulorum famularumque tuarum oratio proficiat supplicantium: ut eas & à peccatis omnibus exuas, & tuæ redemptionis facias esse participes. Qui vivis & regnas cum Deo Patre.

Dicto Dominus vobiscum, dicitur, Requiescant in pace. Amen. & non datur benedictio: sed dicto secreto, Placeat tibi sancta Trinitas, & osculato Altari, legitur

Evangelium Sancti Joannis, In principio erat Verbum, ut moris est.

IN DIE OBITUS,
seu depositionis defuncti.

Introitus.

Requiem æternam dona eis Domine: & lux perpétua luceat eis. *Psalmus. Te decet* ps. 64.
 hymnus Deus in Sion, & tibi reddetur votum in Jerusalem: exaudi orationem meam, ad te omnis caro veniet. *Requiem æternam dona eis Domine: & lux perpétua luceat eis.*

Oratio.

Deus, cui proprium est misereri semper & parcere, te supplices exoramus pro anima famuli tui *N.* quam hódie de hoc sæculo migrare iussisti: ut non tradas eam in manus inimici, neque obliviscaris in finem, sed júbeas eam à sanctis Angelis suscipi, & ad patriam paradísi perducí; ut, quia in te speravit & credidit, non poenas inferni sustineat, sed gaudia æterna possideat. Per Dominum nostrum Jesum Christum, Filium tuum: Qui tecum vivit & regnat in unitate Spiritus sancti Deus, per omnia sæcula sæculorum. *R.* Amen.

Lectio Epistolæ beati Pauli Apostoli ad Thessalonicenses.

Fratres, Nólumus vos ignorare 1. Thes. 4. 6. de dormientibus, ut non contristemini, sicut & ceteri qui spem non habent. Si enim credimus quòd Jesus mórtuus est, & resurrexit: ita & Deus eos, qui dormierunt per

Jesum, adducet cum eo. Hoc enim vobis dicimus in verbo Domini, quia nos, qui vivimus, qui residui sumus in adventum Domini, non prævenerimus eos, qui dormierunt. Quoniam ipse Dominus in jussu, & in voce Archangeli, & in tuba Dei descendet de cælo: & mortui qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubibus obviam Christo in aëra, & sic semper cum Domino erimus. Itaque consolamini invicem in verbis istis.

Graduale. Requiem æternam dona eis Domine: & lux perpetua luceat eis. *Ps.* In memoria æterna erit justus: ab auditiōe mala non timebit.

Tractus. Absolve, Domine, animas omniū fidelium defunctorum ab omni vinculo delictorum. *Ps.* Et gratia tua illis succurrente, mereantur evadere judicium ultionis. *Ps.* Et lucis æternæ beatitudine perfrui.

Sequentia.

Dies iræ, dies illa,
Solvat sæclum in favilla:
Teste David cum Sybilla.
Quantus tremor est futurus,
Quando Judex est venturus,
Cuncta strictè discussurus!
Tuba mirum spargens sonum
Per sepulchra regionum,
Coget omnes ante Thronum.
Mors stupēbit, & natūra,
Cūm resurget Creatūra,
Judicanti responsūra.
Liber scriptus proferetur,

In quo totum continetur,
Unde mundus judicetur.

Judex ergo cūm sedēbit,
Quidquid latet, apparēbit:
Nil inultum remanēbit.
Quid sum miser tunc dictūrus?
Quem patrōnum rogātūrus?
Cūm vix justus sit secūrus.

Rex tremendæ majestātis,
Qui salvandos salvas gratis,
Salva me fons pietātis.

Recordāre JESU pie,
Quod sum causa tuæ viæ,
Ne me perdas illa die.

Quærens me, sedisti lassus:
Redemisti, crucem passus:
Tantus labor non sit cassus.

Iuste judex ultionis,
Donum fac remissionis
Ante diem rationis.

Ingemisco tanquam reus:
Culpa rubet vultus meus:
Supplicanti parce Deus.

Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ,
Sed tu bonus fac benignē,
Ne perenni cremer igne.

Inter oves locum præsta,
Et ab hædis me sequēstra,
Statuens in parte dextra.

Confutatis maledictis,
Flammis acerbis addictis,
Voca me cum benedictis.

Oro supplex & acclinis,
Cor contritum quasi cinis,
Gere curam mei finis.

Lachrymōsa dies illa,
Qua resurget ex favilla

Judicandus homo reus.

Huic ergo parce Deus.

Pie Jesu Domine,

Dona eis requiem. Amen.

Sequentia Sancti Evangelij
secundum Joannem.

^{Joan.}
^{11. 6.} **I**N illo tempore: Dixit Martha
ad Jesum: Domine, si fuisses hic,
frater meus non fuisset mortuus.
Sed & nunc scio, quia quæcunque
poposceris à Deo, dabit tibi Deus.
Dicit illi Jesus: Resurget frater tuus.
Dicit ei Martha: Scio quia re-
surget in resurrectione in novissi-
mo die. Dixit ei Jesus: Ego sum
resurrectio, & vita: qui credit in
me, etiam si mortuus fuerit, vivet:
& omnis, qui vivit, & credit in me,
non morietur in æternum. Credis
hoc? Ait illi: Uti que Domine, ego
credidi, quia tu es Christ⁹ Filius Dei
vivi, qui in hunc mundum venisti.

Offertorium. Domine Jesu Chri-
ste, Rex gloriæ, libera animas om-
nium fidelium defunctorum de pœ-
nis inferni, & de profundo lacu: li-
bera eas de ore leonis, ne absorbe-
at eas tartarus, ne cadant in obscu-
rum: sed signifer sanctus Michael
repræsentet eas in lucem sanctam:
* Quam olim Abraham promisisti
& semini ejus. *ꝛ.* Hostias & pre-
ces tibi, Domine, laudis offerimus:
tu suscipe pro animabus illis, qua-
rum hodie memoriam facimus: fac
eas Domine de morte transire ad
vitam. Quam olim.

Secreta.

Propitiare, quæsumus Domine,
animæ famuli tui **N.** pro qua

hostiam laudis tibi immolamus,
majestatem tuam suppliciter depre-
cantes: ut per hæc piæ placationis
officia, pervenire mereatur ad re-
quiem sempiternam. Per Domi-
num nostrum.

Communio. Lux æterna luceat
eis Domine, * Cum Sanctis tuis in
æternum: quia pius es. *ꝛ.* Requiem
æternam dona eis Domine: & lux
perpétua luceat eis. Cum Sanctis
tuis in æternum: quia pius es.

Postcommunio.

Presta quæsumus omnipotens
Deus: ut anima famuli tui **N.**
quæ hodie de hoc sæculo migravit,
his sacrificijs purgata, & à peccatis
expedita, indulgentiam pariter &
requiem capiat sempiternam. Per
Dominum nostrum.

*In die tertio, septimo, & trige-
simo depositionis defuncti, dicitur
Missæ ut supra, exceptis Orationi-
bus, quæ dicuntur ut infra.*

Oratio.

Quæsumus Domine, ut animæ
famuli tui **N.** cujus depositio-
nis diem tertium, (vel) septimum,
vel trigesimum, commemoramus,
sanctorum atque electorum tuo-
rum largiri digneris consortium:
& rorem misericordiæ tuæ peren-
nem infundas. Per Dominum.

Secreta.

Munera, quæsumus Domine,
quæ tibi pro anima famuli
tui **N.** offerimus, placatus intende:
ut remedijs purgata caelestibus, in
tua pietate requiescat. Per Domi-
num nostrum Jesum Christum.

Post-

Postcommunio.

Suscipe, Domine, preces nostras pro anima famuli tui **N.** ut, si quæ ei maculæ de terrénis contagijs adhæserint, remissionis tuæ misericordia deleantur. Per Dóminum nostrum Jesum Christum.

IN ANNIVERSARIO

Defunctorum. Introitus.

Requiem æternam dona eis Domine: & lux perpétua luceat eis. **Psalms.** Te decet hymnus **D**EUS in Sion, & tibi reddetur votum in Jerúsalem: exaudi orationem meam, ad te omnis caro véniet. **R**equiem æternam dona eis Domine, & lux perpetua luceat eis.

Oratio.

DEus indulgentiarum Domine, da animabus famulorum famularumque tuarum, quorum anniversariū depositionis diem commemoramus, refrigerij sedem, quietis beatitudinem, & luminis claritatem. Per Dñm nostrum Jesum Christum Filium tuum: Qui tecum vivit & regnat in unitate Spiritus Sancti Deus, per omnia sæcula sæculorum. **R.** Amen.

Lectio libri Machabæorum.

IN diébus illis: Vir fortissimus Judas, facta collatione, duodecim millia drachmas argenti misit Jerosolymam offerri pro peccatis mortuorum sacrificiū, benè, & religiosè de resurrectione cogitans (nisi enim eos, qui ceciderant, resurrecturos speraret, superfluum videretur & vanumorare pro mor-

tuis) & quia considerabat quòd hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.

Graduale. Requiem æternam dona eis Domine: & lux perpétua luceat eis. **ψ.** In memoria æterna erit iustus: ab auditione mala non timebit.

Tractus. Absolve, Domine, animas omnium fidelium defunctorum ab omni vinculo delictorum. **ψ.** Et gratia tua illis succurrente, mereantur evadere iudicium ultionis. **ψ.** Et lucis æternæ beatitudine perfrui.

Sequentia.

Dies iræ, dies illa,
D solvet sæclum in favilla:
 Teste David cum Sybilla.
Quantus tremor est futurus,
 Quando Judex est venturus,
 Cuncta strictè discussurus!
Tuba mirum spargens sonum
 Per sepúlchra regionum,
 Coget omnes ante Thronum.
Mors stupébit, & natûra,
 Cùm resurget Creatûra,
 Judicanti responsûra.
Liber scriptus proferetur,
 In quo totum continetur,
 Unde mundus judicetur.
Judex ergo cùm sedébit,
 Quidquid latet, apparébit:
 Nil inúltum remanebit.
Quid sum miser tunc dictûrus?
 Quem patrônum rogatûrus?
 Cùm vix justus sit secûrus.

Rex tremendæ majestâtis,
Qui salvandos salvas gratis,
Salva me fons pietâtis.

Recordâre JESU pie,
Quod sum causâ tuæ viæ,
Ne me perdas illa die.

Quærens me, sedisti lassus:
Redemisti, crucem passus:
Tantus labor non sit cassus.

Iuste judex ultiônis,
Donum fac remissiônis
Ante diem ratiônis.

Ingemisco tanquam reus:
Culpa rubet vultus meus:
Supplicânti parce Deus.

Qui Mariam absolvisti,
Et latrônem exaudisti,
Mihi quoque spem dedisti.

Preces meæ non sunt dignæ,
Sed tu bonus fac benigné,
Ne perénni cremer igne.

Inter oves locum præsta,
Et ab hædis me sequêstra,
Stâtuens in parte dextra.

Confutâtis maledictis,
Flammis âcribus addictis,
Voca me cum benedictis.

Oro supplex & acclinis,
Cor contritum quasi cinis,
Gere curam mei finis.

Lachrymôsa dies illa,
Qua resúrget ex favilla
Judicândus homo reus.

Huic ergo parce Deus.
Pie Jesu Domine,
Dona eis requiem. Amen.

Sequentia Sancti Evangélij
secúndum Joánnem.

Ioan.
6. b. **I**n illo tempore: Dixit Jesus turbis
Judæorū: Omne, quod dat mihi

Pater, ad me veniet: & eum, qui ve-
nit ad me, non ejiciam foras: quia
descendi de cælo, non ut faciam vo-
luntâtem meam, sed voluntâtem
ejus qui misit me. Hæc est autē vo-
luntas ejus, qui misit me, Patris: ut
omne, quod dedit mihi, non perdā
ex eo, sed resuscitem illud in novissi-
mo die. Hæc est autem voluntas
Patris mei, qui misit me: ut omnis,
qui videt Filium, & credit in eum,
habeat vitam æternam, & ego resu-
scitâbo eum in novissimo die.

Offertorium. Domine Iesu Chri-
ste, Rex glóriæ, libera animas om-
nium fidélium defunctôrum de poe-
nis infèrni, & de profundo lacu: lí-
bera eas de ore leônis, ne absorbe-
at eas tartarus, ne cadant in óbscû-
rum: sed signifer sanctus Michael
repræsentet eas in lucem sanctam:
* Quam olim Abrahæ promisisti
& semini ejus. **V.** Hóstias & pre-
ces tibi, Domine, laudis offerimus:
tu suscipe pro animâbus illis, qua-
rum hódie memoriam facimus: fac
eas Domine de morte transire ad
vitam. Quam olim Abrahæ pro-
misisti, & semini ejus.

Secreta.

Propitiâre Domine supplicatio-
nibus nostris, pro animâbus fa-
mulorū famularumq; tuârum, quo-
rū hodie añua dies agitur, pro qui-
bus tibi offerim⁹ sacrificium laudis:
ut eas Sanctôrum tuorū consortio
sociâre digneris. Per Dominum.

Communio. Lux æterna luceat
eis Domine, * Cum Sanctis tuis in
æternum: quia pius es. **V.** Requiem

æternam dona eis Domine: & lux perpetua luceat eis. Cum Sanctis.

Postcommunio.

PRæsta, quæsumus Domine, ut animæ famulorum famularumque tuarum, quorum anniversariū depositionis diem commemoramus, his purgatae sacrificijs, indulgentiam pariter & requiem capiant sempiternam. Per Dominum nostrum Jesum Christum.

§ Si pro uno fiat anniversarium, prædictæ Orationes dicantur in singulari numero.

I N M I S S I S
Quotidianis Defunctorum.

Introitus.

Requiem æternam dona eis Domine: & lux perpetua luceat eis. **Psalm.** Te decet hymn⁹ Deus in Sion, & tibi reddetur votum in Jerúsalem: exaudi orationem meam, ad te omnis caro veniet. Requiem æternam dona eis Domine, & lux perpetua luceat eis.

Pro defunctis Episcopis, seu sacerdotibus, Oratio.

DEus, qui inter Apostolicos sacerdotes, famulos tuos Pontificali, seu sacerdotali, fecisti dignitate vigere: præsta quæsumus, ut eorum quoque perpetuo aggregentur consortio. Per Dominum nostrum Jesum Christum.

Pro defunctis fratribus, propinquis, & benefactoribus, Oratio.

DEus, veniæ largitor, & humanæ salutis amator: quæsumus clementiam tuam, ut nostræ congregationis fratres, propinquos, & be-

nefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpetuæ beatitudinis consortium pervenire concedas.

Pro fidelibus defunctis generalis, Oratio.

Fidelium Deus omnium Conditor & Redemptor, animabus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, pijs supplicationibus consequantur. Qui vivis & regnas cum DEO Patre in unitate Spiritus sancti Deus, per omnia sæcula sæculorum. Amen.

Lectio libri Apocalypsis beati Joannis Apostoli.

IN diebus illis: Audivi vocem de caelo dicentem mihi: Scribe: Beati mortui, qui in Domino moriuntur. Amodò jam dicit Spiritus, ut requiescant à laboribus suis: opera enim illorum sequuntur illos.

Graduale. Requiem æternam dona eis Dñe: & lux perpetua luceat eis. **V.** In memoria æterna erit iust⁹: ab auditiōne mala non timebit.

Tractus. Absolve, Domine, animas omnium fidelium defunctorum ab omni vinculo delictorum. **V.** Et gratia tua illis succurrēte, mereantur evadere iudicium ultionis. **V.** Et lucis æternæ beatitudine perfrui.

Sequentia ad arbitrium Sacerdotis.

Dies iræ, dies illa,
Solvat sæclum in favilla:
Teste David cum Sibylla.
Quantus tremor est futurus,

Quando

Quando Judex est ventûrus,
 Cuncta strictè discussûrus!
Tuba mirum spargens sonum
 Per sepúlchra regiônum,
 Coget omnes ante Thronum.
Mors stupébit, & natûra,
 Cùm resurget Creatûra,
 Judicanti responsûra.
Liber scriptus proferétur,
 In quo totum continétur,
 Unde mundus judicétur.
Judex ergo cùm sedébit,
 Quidquid latet, apparébit:
 Nil inúltum remanébit.
Quid sum miser tunc dictûrus?
 Quem patrônum rogatûrus?
 Cùm vix justus sit secûrus.
Rex tremendæ majestâtis,
 Qui salvandos salvas gratis,
 Salva me fons pietâtis.
Recordâre JESU pie,
 Quod sum causa tuæ viæ,
 Ne me perdas illa die.
Quærens me, sedisti lassus:
 Redemisti, crucem passus:
 Tantus labor non sit cassus.
Juste judex ultriônis,
 Donum fac remissiônis
 Ante diem ratiônis.
Ingemisco tanquam reus:
 Culpa rubet vultus meus:
 Supplicânti parce Deus.
Qui Mariâm absolvisti,
 Et latrônem exaudisti,
 Mihi quoque spem dedisti.
Preces meæ non sunt dignæ,
 Sed tu bonus fac benignè,
 Ne perénni cremer igne.
Inter oves locum præsta,
 Et ab hædis me sequéltra,

Státuens in parte dextra.
Confutâtis maledictis,
 Flammi acribus addictis,
 Voca me cum benedictis.
Oro supplex & acclînis,
 Cor contritum quasi cinis,
 Gere curam mei finis.
Lachrymôsa dies illa,
 Qua resúrget ex favilla
 Judicândus homo reus.
Huic ergo parce Deus.
 Pie Jesu Domine,
 Dona eis requiem. Amen.

Sequentia Sancti Evangélij
 secúndum Joánnem.

In illo tempore: Dixit Jesus turbis
 Judæorū: Ego sum panis vivus,
 qui de cælo descendi. Si quis mandu-
 cáverit ex hoc pane, vivet in æter-
 nū: & panis, quem ego dabo, caro
 mea est pro mundi vita. Litigábant
 ergo Judæi ad invicem, dicentes:
 Quomodo potest hic nobis carnē
 suam dare ad manducandū? Dixit
 ergo eis Jesus: Amen, amen dico
 vobis: Nisi manducavéritis carnem
 Filij hominis, & bibéritis ejus san-
 guinem, non habébitis vitam in vo-
 bis. Qui mandúcat meam carnē,
 & bibit meum sanguinem, habet vi-
 tam æternam: & ego resuscitábo
 eum in novissimo die.

Offertorium. Dómine Jesu Chri-
 ste, Rex gloriæ, libera animas om-
 nium fidélium defunctórū de pœ-
 nis inferni, & de profundo lacu: lí-
 bera eas de ore leónis, ne absórbeat
 eas tartarus, ne cadant in obscúrū:
 sed signifer sanctus Michaël repræ-
 sentet eas in lucē sanctam: * Quam

Ioan.
6. f.

olim Abrahæ promisisti, & semini ejus. *Ps.* Hóstias & preces tibi, Domine, laudis offerim⁹: tu suscipe pro animâbus illis, quarum hodie memoriam facim⁹: fac eas Domine de morte transire ad vitã. Quam olim Abrahæ promisisti, & semini ejus.

Pro defunctis Episcopis, seu Sacerdotibus. Secreta.

Suscipe, Domine quæsumus, pro animâbus famulôrum tuorum Pontificum, seu Sacerdotum, quas offerimus hostias: ut quibus in hoc sæculo Pontificale, seu Sacerdotale, donasti meritum, in coelesti regno Sanctorum tuorum jubeas jungi consortio. Per Dominum nostrum.

Pro defunctis fratribus, propinquis, & benefactoribus. Secreta.

Deus, cujus misericordiæ nõ est númer⁹, suscipe propiti⁹ preces humilitatis nostræ: & animâbus fratrum, propinquorum & benefactorum nostrorum, quibus tui nominis dedisti confessionē, per hæc sacramenta salutis nostræ, cunctorum remissionē tribue peccatorum.

Pro omnibus fidelibus defunctis. Secreta.

Hostias, quæsumus Domine, quas tibi pro animâbus famulorum famularumq; tuarum offerimus, propitiatus intēde: ut quibus fidei Christianæ meritum contulisti, dones & præmium. Per Dñm.

Communio. Lux æterna luceat eis Domine, * Cum Sanctis tuis in ætérnum: quia pius es. *Ps.* Réquiem æternam dona eis Domine: & lux perpétua luceat eis. Cum Sanctis.

Pro defunctis Episcopis, seu sacerdotibus. Postcommunio.

Profit, quæsumus Domine, animâbus famulorum tuorum Pontificum, seu sacerdotum, misericordiæ tuæ implorata clementia: ut ejus, in quo speraverunt & crediderunt, ætérnum cãpant te miserante consortium. Per Dominum.

Pro defunctis Fratribus, Propinquis, & Benefactoribus. Postcommunio.

Praesta quæsumus omnipotens & misericors Deus: ut animæ Fratrum, Propinquorum & Benefactorum nostrorum, pro quibus hoc sacrificium laudis tuæ obtulimus majestati, per hujus virtutem sacramenti à peccatis omnibus expiatae, lucis perpétuæ, te miserante, recipiant beatitudinem.

Pro omnibus fidelibus defunctis. Postcommunio.

Animâbus, quæsumus Domine, famulorum famularumq; tuarum oratio proficiat supplicantiū: ut eas & à peccatis omnibus exuas, & tuæ redemptionis facias esse participes. Qui vivis & regnas cum Deo Patre.

§ Epistolæ & Evangelia superius posita in una Missa pro Defunctis dici possunt etiam in alia Missa similiter pro Defunctis.

ORATIONES DIVERSE,

PRO DEFUNCTIS.

§ In die depositionis, & anniversario summi Pontificis, dicitur prima Missa ut supra, fol. 17. præter Orationes, quæ dicuntur ut infra.

Oratio.

Oratio.

DEus, qui inter summos Sacerdotes famulum tuum **N.** ineffabili tua dispositione connumerari voluisti: presta quæsumus; ut qui unigeniti Filij tui vices in terris gerèbat, sanctorum tuorum Pontificum consortio perpetuo aggregetur. Per eundem Dñm.

Secreta.

Suscipe, Domine quæsumus, pro anima famuli tui **N.** summi Pontificis, quas offerimus hostias: ut cui in hoc sæculo Pontificale donasti meritum, in coelesti regno sanctorum tuorum jubeas jungi consortio. Per Dominum.

Postcommunio.

Prosit, quæsumus Domine, animæ famuli tui **N.** summi Pontificis, misericordiae tuæ implorata clementia: ut ejus, in quo speravit & credidit, æternum capiat, te miserante, consortium. Per Dominum nostrum.

§ Pro defuncto Episcopo dicitur prima Missa, supra 17. Orationes verò ut infra.

Oratio.

DEus qui inter Apostolicos Sacerdotes, famulum tuum **N.** Pontificali fecisti dignitate vigere: presta quæsumus, ut eorum quoque perpetuo aggregetur consortio. Per Dñm nostrum.

Secreta.

Suscipe, Domine quæsumus, pro anima famuli tui **N.** Pontificis, quas offerimus hostias: ut cui in hoc sæculo Pontificale donasti mé-

ritum, in coelesti regno Sanctorum tuorum jubeas jungi consortio. Per Dominum nostrum.

Postcommunio.

Prosit, quæsumus Domine, animæ famuli tui **N.** Pontificis, misericordiae tuæ implorata clementia: ut ejus, in quo speravit & credidit, æternum capiat, te miserante, consortium. Per Dominum nostrum.

Pro Episcopo Cardinali defuncto. Oratio.

DEus, qui inter Apostolicos Sacerdotes, famulum tuum **N.** Episcopum Cardinalem Pontificali fecisti dignitate vigere: presta quæsumus, ut eorum quoque perpetuo aggregetur consortio. Per Dominum nostrum.

Secreta.

Suscipe, Domine quæsumus, pro anima famuli tui **N.** Pontificis Cardinalis, quas offerimus hostias: ut cui in hoc sæculo Pontificale donasti meritum, in coelesti regno Sanctorum tuorum jubeas jungi consortio. Per Dñm nostrum.

Postcommunio.

Prosit, quæsumus Domine, animæ famuli tui **N.** Pontificis Cardinalis, misericordiae tuæ implorata clementia: ut ejus, in quo speravit & credidit, æternum capiat, te miserante, consortium. Per Dominum nostrum.

Pro Presbytero Cardinali defuncto. Oratio.

DEus, qui inter Apostolicos Sacerdotes, famulum tuum **N.**

Presbyterū Cardinalem Sacerdotāli fecisti dignitate vigere: præsta quæsumus, ut eorum quoque perpetuo aggregetur consortio. Per Dominum nostrum.

Secreta.

Suscipe, Domine, quæsumus, pro anima famuli tui **N.** Presbyteri Cardinālis, quas offerimus hōstias: ut cui in hoc sæculo Sacerdotale donasti meritum, in cœlesti regno Sanctorum tuorum jubeas jungi consortio. Per Dominum nostrum Jesum Christum.

Postcommunio.

Profit, quæsumus Domine, animæ famuli tui **N.** Presbyteri Cardinālis, misericordiæ tuæ implorata clementia: ut ejus, in quo speravit & credidit, æternum capiat, te miserante, consortium. Per Dominum nostrum.

Pro Diacono Cardinali defuncto.
Oratio.

Inclina Domine aurem tuam ad preces nostras, quibus misericordiam tuam supplices deprecamur: ut animam famuli tui **N.** Diaconi Cardinālis, quem de hoc sæculo migrare jussisti, in pacis ac lucis regione constituas; & Sanctorum tuorum jubeas esse consortem. Per Dominum nostrum **J E S U M**
C H R I S T U M.

Secreta.

Annue nobis, quæsumus Domine, ut animæ famuli tui **N.** Diaconi Cardinālis, hæc profit oblatio: quam imolando, totius mundi tribuisti relaxari delicta. Per Dōmi-

num nostrum Jesum Christum Filium tuum.

Postcommunio.

Absolve, quæsumus Dōmine, animam famuli tui **N.** Diaconi Cardinālis, ab omni vinculo delictorum: ut in resurrectionis glōria, inter sanctos & electos tuos resuscitatus respiret. Per Dominum nostrum.

Pro defuncto Sacerdote.
Oratio.

Deus, qui inter Apostolicos sacerdotēs, famulum tuum **N.** Sacerdotāli fecisti dignitate vigere: præsta quæsumus, ut eorum quoque perpetuo aggregetur consortio. Per Dominum nostrum.

Secreta.

Suscipe, Dōmine quæsumus, pro anima famuli tui **N.** sacerdotis, quas offerimus hōstias: ut cui in hoc sæculo sacerdotale donasti meritum, in cœlesti regno Sanctorum, tuorum jubeas jungi consortio. Per Dominum nostrum.

Postcommunio.

Profit, quæsumus Dōmine, animæ famuli tui **N.** sacerdotis, misericordiæ tuæ implorata clementia: ut ejus, in quo speravit & credidit, æternum capiat, te miserante consortium. Per Dñm nostrum.

Si fuerint plures, dicatur ut supra in iij. Missa. fol. 24.

Pro defuncto Episcopo.
alia Oratio.

Da nobis, Domine, ut animam famuli tui **N.** Episcopi, quam de hujus sæculi eduxisti laborioso

certamine, Sanctorum tuorum tribuas esse consortem. Per Dñm.

Secreta.

Annue nobis, quæsumus Domine, ut animæ famuli tui **N.** Episcopi hæc profit oblatio: quam immolando, totius mundi tribuisti relaxari delicta. Per Dominum nostrum Jesum Christum.

Postcommunio.

His sacrificijs, quæsumus omnipotens Deus, purgata anima famuli tui **N.** Episcopi, ad indulgentiam & refrigerium sempiternum pervenire mereatur. Per Dñm.

Pro defuncto Sacerdote.

Et possunt dici pro pluribus in numero plurali.

Oratio.

Præsta quæsumus Domine, ut anima famuli tui **N.** sacerdotis, quem in hoc sæculo commorantem, sacris munèribus decorasti, in coelesti sede gloriosa semper exaltet. Per Dominum nostrum.

Secreta.

Suscipe, Domine quæsumus, pro anima famuli tui sacerdotis, quas offerimus hostias: ut cui sacerdotale donasti meritum, dones & præmium. Per Dñm nostrum.

Postcommunio.

Præsta quæsumus omnipotens Deus, ut animam famuli tui **N.** sacerdotis in congregatione justorum, æternæ beatitudinis jubeas esse consortem. Per Dñm nostrum.

Pro uno Defuncto.

Oratio.

Inclina Domine aurem tuam ad preces nostras, quibus misericor-

diam tuam supplices deprecamur: ut animam famuli tui, quam de hoc sæculo migrare jussisti, in pacis ac lucis regione constituas; & Sanctorum tuorum jubeas esse consortem. Per Dominum nostrum.

Secreta.

Annue nobis, quæsumus Domine, ut animæ famuli tui hæc profit oblatio, quam immolando, totius mundi tribuisti relaxari delicta. Per Dominum nostrum.

Postcommunio.

Absolve, quæsumus Domine, animam famuli tui ab omni vinculo delictorum: ut in resurrectionis gloria, inter sanctos & electos tuos resuscitatus respiret. Per Dominum.

Pro una Defuncta.

Oratio.

Quæsumus Domine, pro tua pietate miserere animæ famulæ tuæ: & à contagijs mortalitatis exutam, in æternæ salvationis partem restitue. Per Dominum nostrum.

Secreta.

His sacrificijs, quæsumus Domine, anima famulæ tuæ à peccatis omnibus exuatur, sine quibus à culpa nemo liber extitit: ut per hæc piæ placationis officia, perpétuam misericordiam consequatur. Per Dominum.

Postcommunio:

Inveniat, quæsumus Domine, anima famulæ tuæ lucis æternæ consortium: cujus perpetuæ misericordiæ consecuta est sacramentum. Per Dominum nostrum.

Pro

**Pro patre & matre Sacerdotis,
Oratio.**

DEus, qui nos patrem & matrē honorāre præcepisti: miserere clementer animabus patris & matris meæ, eorūmq; peccata dimitte: meque eos in æternæ claritatis gaudio fac vidēre. Per Dōminum.

Secreta.

Suscipe sacrificium, Domine, quod tibi pro animabus patris & matris meæ offero: eisq; gaudium sempiternum in regione vivōrum concede: meque cum illis felicitati Sanctōrum conjunge. Per Dñm.

Postcommunio.

Cælestis participatio sacramenti, quæsumus Domine, animabus patris & matris meæ requiem & lucem obtineat perpetuam: meque cum illis grātia tua coronet æterna. Per Dominum.

Si pro patre tantum, vel matre tantum, dicitur in singulari,

Oratio.

DEus, qui nos patrem & matrē honorāre præcepisti: miserere clementer animæ patris mei (vel matris meæ) ejusq; peccata dimitte: meque eum (vel eam) in æternæ claritatis gaudio fac videre. Per Dominum nostrum.

Secreta.

Suscipe sacrificium, Domine, quod tibi pro anima patris mei (vel matris meæ) offero: ei que gaudium sempiternum in regione vivōrum concede: meque cum illo (vel illa) felicitati Sanctōrum conjunge. Per Dominum.

Postcommunio.

Cælestis participatio sacramenti, quæsumus Domine, animæ patris mei (vel matris meæ) requiē & lucem obtineat perpetuam: meque cum illo (vel illa) gratia tua coronet æterna. Per Dñm.

Pro defunctis fratribus, propinquis, & benefactoribus.

Oratio.

DEus, veniæ largitor, & humanæ salutis amātor: quæsumus clementiam tuā, ut nostræ congregationis fratres, propinquos, & benefactōres, qui ex hoc sæculo transierunt; beata Maria semper virgine intercedente cum omnibus Sanctis tuis, ad perpetuæ beatitudinis consortium pervenire concedas. Per Dominum nostrum.

Secreta.

DEus, cujus misericordiæ nō est nūmer⁹, suscipe propitius preces humilitatis nostræ: & animabus fratrum, propinquōrum & benefactōrum nostrōrum, quibus tui nominis dedisti confessionē; per hæc sacramenta salutis nostræ, cunctōrum remissionem tribue peccatorum. Per Dominum.

Postcommunio.

Presta quæsum⁹ omnipotens & misericors Deus: ut animæ fratrum, propinquōrum & benefactōrum nostrōrum, pro quibus hoc sacrificium laudis tuæ obtulimus majestati; per hujus virtutē sacramenti à peccatis omnibus expiata, lucis perpetuæ, te miserante, recipiant beatitudinem. Per Dominum.

Pro

Pro his, qui in coemiterio requiescunt. Oratio.

DEus, cuius miseratione animæ fidelium requiescunt: famulis & famulâbus tuis, & omnibus hîc & ubique in Christo quiescentibus, da propitius veniam peccatorum; ut à cunctis reatibus absoluti, tecum sine fine latentur. Per eundem Dominum nostrum Jesum Christum.

Secreta.

Pro animâbus famulorum famularumque tuarum, & omnium catholicorum hîc & ubique in Christo dormientium, hostiam, Domine, suscipe benignus oblâtam: ut hoc sacrificio singulari, vinculis horrendæ mortis exuti, vitam mereantur æternam. Per eundem Dominum nostrum.

Postcommunio.

DEUS, fidelium lumen animarum, adesto supplicationibus nostris: & da famulis & famulâbus tuis, quorum corpora hîc & ubique in Christo requiescunt, refrigerij sedem, quietis beatitudinem, & luminis claritatem. Per eundem Dominum nostrum.

Pro pluribus Defunctis. Oratio.

DEus, cui proprium est misereri semper & parcere: propitiare animâbus famulorum famularumque tuarum, & omnia eorum peccata dimitte; ut mortalitatis vinculis absolutæ, transire mereantur ad vitam. Per Dominum nostrum.

Secreta.

Annue nobis, quæsumus Dñe, ut animâbus famulorum famula-

rumque tuarum hæc profit oblatio: quam immolando, totius mundi tribuisti relaxari delicta. Per Dominum nostrum Jesum Christum.

Postcommunio.

DEus, cui soli competit medicinam præstare post mortem: præsta quæsumus: ut animæ famulorum famularumque tuarum terrenis exutæ contagijs, in tuæ redemptionis parte numerentur. Qui vivis & regnas cum Deo Patre in unitate Spiritus.

Alia pro pluribus Defunctis.

Oratio.

Animâbus, quæsumus Domine, famulorum famularumque tuarum misericordiam concède perpetuam: ut eis proficiat in æternum, quod in te speraverunt & crediderunt. Per Dominum nostrum Jesum Christum.

Secreta.

His, Domine quæsumus, placatus intende munèribus: & quod ad laudem tui nominis supplicantes offerimus, ad indulgentiam proficiat defunctorum. Per Dominum nostrum.

Postcommunio.

Supplices Domine, pro animâbus famulorum famularumque tuarum preces effundimus, obsecrantes: ut quidquid conversatione contraxerunt humana, & clementer indulgeas, & in tuorum sede lætantium constituas redemptorum. Per Dominum nostrum Jesum Christum Filium tuum: Qui tecum vivit & regnat in unitate.

RITUS CELEBRANDI MISSAM PRO DEFUNCTIS.

EXCERPTA EX RVBRICIS GENERALIBUS.

De his, quæ omittuntur in Missa pro Defunctis.

IN Missa pro Defunctis ante Confessionem non dicitur Psalmus, **Judica me Deus**: sed pronuntiata Antiphona, **Introibo ad Altare Dei**, & responso à ministro, **Ad Deum, qui latificat**, dicitur. **V. Adjutorium nostrum, Confessio**, cum reliquis ut supra. Cum Celebrans ad Altare incipit **Introitum**, non signat se, sed manu dextra extensa, facit signum Crucis super librum, quasi aliquem benedicens. Non dicitur **Gloria Patri**, sed post Psalmum repetitur, **Requiem æternam**; nec dicitur **Gloria in excelsis**, nec **Alleluja**, nec **Jube Domine benedicere**, nec **Dominus sit in corde meo** nec osculatur librum in fine. Non dicitur **Credo**, non benedicatur aqua in Calicem fundenda; dicitur tamen Oratio, **Deus qui humanæ substantiæ**, &c. Cum lavat manus, in fine Psalmi, **Lavabo inter innocentes**, non dicitur, **Gloria Patri**. Ad **Agnus Dei**, non dicitur, **miserere nobis**, cujus loco dicitur, **dona eis requiem**, nec tertio, **dona nobis pacem**, cujus loco dicitur, **dona eis requiem sempiternam**, neque percutitur pectus. Non dicitur prima Oratio ante Communionem, scilicet, **Domine Jesu Christe, qui dixisti Apostolis tuis**, &c. nec datur pax. In fine non dicitur, **Ite Missa est**, nec **Benedicamus Domino**, sed **Requiescant in pace**. Et non datur benedictio: sed dicto **Placeat & osculato** Altari, dicitur ut supra, **In principio erat Verbum**, &c. alia omnia ut in alijs Missis.

In Missa solemni non incensatur Altare ad introitum, & Subdiaconus finita Epistola non osculatur manum Celebrantis, nec benedicatur: Diaconus non petit benedictionem, nec osculatur Celebrantis manum: non tenentur luminaria ad Evangelium nec portatur incensum, sed duo tantum Acolyti sine candelabris stant unus à dextris & alter à sinistris Subdiaconi tenentis librum Evangeliorum. Non incensatur liber, nec in fine Celebrans; nec defertur liber Evangeliorum osculandus. Oblata & Altare incensantur ut supra: incensatur solus Celebrans; & non incensantur alij. Subdiaconus non tenet Patenam post Celebrantem: sed tempore elevationis Sacramenti genuflexus

in cornu Epistole illud incensat. Ministri cum aliquid porrigunt Celebranti in hac Missa non osculantur ejus manum, neque rem quæ porrigitur.

Si distribuendæ sunt candelæ, distribuantur post Epistolam, & accendantur ad Evangelium, ad elevationem Sacramenti, & post Missam, dum fit Absolutio. Si habendus est sermo, habeatur finita Missa ante Absolutionem.

Finita Missa, si faciendæ est Absolutio, Celebrans retrahit se ad cornu Epistolæ, ubi excutitur Casula, & deposito Manipulo, accipit Pluviale nigrum. Subdiaconus medius inter duos Acolytos cum candelabris accensis, defert Crucem sicut in Processionibus, precedentibus duobus alijs Acolytis, uno cum Thuribulo & navicula incensi, alio cum vase aquæ benedictæ & aspersorio: sequitur Celebrans, facta prius Altari reverentia, & Diaconus à sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolytos tenentes luminaria: Celebrans verò ex alia parte in capite loci inter Altare & tumulum, aliquantum versus cornu Epistolæ, ita ut Crucem Subdiaconi respiciat: à sinistris ejus Diaconus, & prope eum alij duo Acolyti deferentes Thuribulum, & Vas aquæ benedictæ. Interim cantatur **R. Libera me Domine**, & circa illius finem Celebrans ponit incensum in Thuribulum, benedicens illud more solito, ministrante Diacono naviculam: & finito **Kyrie eleison**, incipit intelligibili voce, **Pater noster**, & secretè proseguendo reliqua, accipit aspersorium de manu Diaconi, & facta Altari reverentia, comitante eodem Diacono à dextris, & tenente fimbriam anteriorem Pluvialis, circueiens tumulum, aspergit illum aqua benedicta ter à parte dextra, & ter à sinistra. Cum transit ante Crucem, profundè inclinatur, Diaconus verò genuflectit: postea de manu ejusdem Diaconi accipit Thuribulum; & eodem modo quo asperferat, incensat. Et rediens ad pristinum locum, Diacono tenente librum, junctis manibus dicit:

V. Et ne nos inducas intentationem.
R. Sed libera nos à malo. V. A porta inferi. R. Erue Domine animam eius.
V. Requiescat in pace. R. Amen.
V. Domine exaudi orationem meam.
R. Et clamor meus ad te veniat.
V. Dominus vobiscum R. Et cum spiritu tuo.

Oremus.

O remus.

Absolve, quæsumus Domine, animam famuli tui **N.** ab omni vinculo delictorum: ut in resurrectionis gloria, inter sanctos & electos tuos resuscitatus respiret. Per Christum Dñm nostrum. **R.** Amen.

Deinde Celebrans faciens Crucem manu dextra super tumulum dicit.

V. Requiem æternam dona ei Domine. **R.** Et lux perpetua luceat ei.

Et dicto per Cantores, Requiescat in pace, & R. Amen, præcedente Cruce redit cum alijs ad Sacristiam.

Si Officium fit pro pluribus Defunctis, omnia dicantur in numero plurali.

PRÆPARATIO AD MISSAM PRO OPPORTUNITATE SACERDOTIS FACIENDA.

Antiphona.

NE reminiscaris Domine delicta nostra, vel parentum nostrorum: neque vindictam sumas de peccatis nostris.

Quæ Antiphona in Festis Duplicibus tantum duplicatur. Deinde dicuntur sequentes Psalmi.

Psalmus 82.

Quam dilecta tabernacula tua Domine virtutum! concupiscit & deficit anima mea in atria Domini.

Cor meum & caro mea exultaverunt in Deum vivum.

Etenim passer invenit sibi domum: & turtur nidum sibi, ubi ponat pullos suos.

Alitaria tua Domine virtutum: Rex meus, & Deus meus.

Beati qui habitant in domo tua Domine: in sæcula sæculorum laudabunt te.

Beatus vir, cuius est auxilium abs

te: ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem: videbitur Deus deorum in Sion.

Domine Deus virtutum exaudi orationem meam: auribus percipe Deus Jacob.

Protector noster aspice Deus: & respice in faciem Christi tui.

Quia melior est dies una in atrijs tuis super millia.

Elegi abjectus esse in domo Dei mei magis, quam habitare in tabernaculis peccatorum.

Quia misericordiam & veritatem diligit Deus: gratiam & gloriam dabit Dominus.

Non privabit bonis eos, qui ambulat in ianocentia: Domine virtutum, beatus homo, qui sperat in te. **Gloria Patri.**

Psalmus 84.

Benedixisti Dñe terram tuam: avertisti captivitatem tuam.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: avertisti ab ira indignationis tuæ.

Converte nos Deus salutaris noster: & averte iram tuam à nobis.

Numquid in æternum irasceris nobis? aut extends iram tuam à generatione in generationem?

Deus tu conversus vivificabis nos: & plebs lætabitur in te.

Ostende nobis Domine misericordiam tuam: & salutare tuum da nobis.

Audiam quid loquatur in me Dominus Deus: quoniam loquetur pacem in plebem suam;

Et super sanctos suos: & in eos qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia & veritas obviaverunt sibi: iustitia & pax osculatæ sunt.

Veritas de terra orta est: & iustitia de coelo prospexit.

Etenim Dominus dabit benignitatem: & terra nostra dabit fructum suum.

Justitia ante eum ambulabit: & ponet in via gressus suos.

Gloria Patri.

Psalmus 85.

Inclina Domine aurem tuam, & exaudi me: quoniam inops & pauper sum ego.

Custodi animam meam, quoniam sanctus sum: salvum fac servum tuum, DEUS meus, sperantem in te.

Miserere mei Domine, quoniam ad te clamavi tota die: lætifica animam servi tui, quoniam ad te Domine animam meam levavi.

Quoniam tu Domine suavis, & mitis: & multæ misericordiæ omnibus invocantibus te.

Auribus percipe Domine orationem meam: & intende voci deprecationis meæ.

In die tribulationis meæ clamavi ad te: quia exaudisti me.

Non est similis tui in dijs Dñe: & non est secundum opera tua.

Omnes gentes quascumque fecisti, venient, & adorabunt coram te Domine: & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: lætetur cor meum ut timeat nomen tuum.

Confitebor tibi Domine Deus meus in toto corde meo, & glorificabo nomen tuum in æternum:

Quia misericordia tua magna est super me: & eruisti animam meam ex inferno inferiori.

Deus, iniqui insurrexerunt super me, & synagoga potentium quæsierunt animam meam, & non proposuerunt te in conspectu suo.

Et tu Domine Deus miserator & misericors, patiens, & multæ misericordiæ, & verax.

ministrare, teque æterna charitate diligere mereamur.

DEus, cui omne cor patet, & omnis voluntas loquitur, & quem nullum latet secretum, purifica per infusionem sancti Spiritus cogitationes cordis nostri: ut te perfectè diligere, & digne laudare mereamur.

URe igne sancti Spiritus renos nostros & cor nostrum, Domine: ut tibi casto corpore serviamus, & mundo corde placeamus.

Mentes nostras, quæsumus Domine, Paraclitus qui à te procedit, illuminet: & inducat in omnem, sicut tuus promisit Filius, veritatem.

ADsit nobis, quæsumus Domine, virtus Spiritus sancti: quæ & corda nostra clementer expurgat, & ab omnibus tueatur adversis.

DEus, qui corda fidelium sancti Spiritus illustratione docuisti: da nobis in eodem Spiritu recta sapere, & de eius semper consolatione gaudere.

Conscientias nostras, quæsumus Domine, visitando purifica; ut veniens Dominus noster **JESUS CHRISTUS** Filius tuus, paratam sibi in nobis inveniat mansionem. Qui tecum vivit & regnat in unitate Spiritus Sancti **DEUS**, per omnia sæcula sæculorum. Amen.

ORATIONES

Dicendæ, cum Sacerdos induitur sacerdotalibus paramētis.

Cum lavat manus, dicat:

DA, Domine virtutem manibus meis ad abstergendam omnem maculam: ut sine pollutione mentis & corporis valeam tibi servire.

Ad Amictum, dum ponitur super caput, dicit:

Impone Domine, capiti meo galeam salutis, ad expugnandos diabolicos incurfus.

Ad Albam, cum ea induitur.

DEalba me Domine, & munda cor meum: ut in Sanguine Agni dealbatus, gaudijs perfruar sempiternis.

Ad Cingulum, dum se cingit.

PRæcinge me Domine, cingulo puritatis, & extingue in lumbis meis humorem libidinis: ut maneat in me virtus continentiæ, & castitatis.

Ad Manipulum, dum imponitur brachio sinistro.

Merrear Domine, portare manipulum fletus & doloris: ut cum exultatione recipiam mercedem laboris.

Ad Stolam, dum imponitur collo.

Redde mihi Domine, stolam immortalitatis, quam perdidisti in prævaricatione primi parentis: & quamvis indignus accedo ad tuum sacrum mysterium, merear tamen gaudium sempiternum.

Laudate eum in cymbalis benedictionibus: laudate eum in cymbalis jubilationis; omnis spiritus laudet Dominum.

Gloria Patri, &c.

Deinde repetitur Antiphona.

Trium puerorum cantemus hymnum: quem cantabant sancti in camino ignis, benedicentes Dominum.

Deinde Sacerdos dicit:

Kyrie eleison. *Christe eleison.*

Kyrie eleison. *Pater noster.*

Ps. Et ne nos inducas in tentationem. *R.* Sed libera nos à malo. *Ps.*

Confiteantur tibi Domine omnia opera tua. *R.* Et sancti tui benedicant tibi. *Ps.* Exultabunt sancti in gloria. *R.* Latrabunt in cubilibus suis. *Ps.* Non nobis, Domine, non nobis. *R.* Sed nomini tuo da glori-


am. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

Oremus.

Deus, qui tribus pueris mitigasti flammam ignium: concede propitius; ut nos famulos tuos non exurat flamma vitiorum.

Actiones nostras, quæsumus Domine, aspirando præveni, & adjuvando prosequere: ut cuncta nostra oratio & operatio à te semper incipiat, & per te coepta finiat.

DA nobis, quæsumus Domine, vitiorum nostrorum flammam extinguere; quibeauro Laurentio tribuisti tormentorum suorum incendia superare. Per Christum Dominum nostrum. *R.* Amen.



+h. J. a. S. VI. 1837.

Doc.

